



Forum Ecclesiasticum

In Quo Jus Canonicum Universum, Librorum Ac Titulorum Ordine Per
Quæstiones Et Responsa, Tam Canonistarum Veterum & Recentiorum,
quàm Legistarum, in iis, quæ Utrique Juri, Canonico Et Civili Communia
Sunt, Authoritate stabilita, Methodo clara & facili explanantur

Leuren, Peter

Moguntiae, 1720

Quæst. 2. Delictum quodnam & quotupliciter notorium.

[urn:nbn:de:hbz:466:1-73982](#)



LIBER QUINTUS DECRETALIUM. TITULUS I.

De Accusationibus, Inquisitionibus, Denunciationibus.

C A P U T I.

*De variis modis procedendi contra criminosos, &
in specie de accusatione.*

*Ques. 1. Quot modis causa & actiones
criminales deducantur in judicium.*

Resp. Horum modorum in genere sunt duo, dum nimurum Judex procedit vel ad instantiam partis, accusantis, denunciantis, petentis; vel ex officio suo, seu extra ullius querelam, denunciationem, petitionem; sub quibus proinde comprehenduntur tres modi sequentes in *Rubrica h. t.*, expensi, scilicet sub priore accusatio & denunciatio; sub posteriore inquisitio; quibus duo alii addendi; nimurum modus procedendi per exceptionem, (de qua, quid sit, & quotuples, qualiter institutur, & criminaliter intentata induat naturam accusationis, & quales proinde conditions requirat &c. dictum *Lib. 2. tit. 25. per totum à ques. 858.*) & modus procedendi sine ordine, intellige, consueto judicii, ut sit, quando reus in flagrante deprehenditur, aut delictum est notorium. Nunc de iis singulatim in sequentibus, excepto quarto, utpote de quo accuratè actum, *L. c. & quidem incipiendo ab ultimo, sit.*

Ques. 2. Delictum quodnam & quotupliciter notorium.

1. **R**esp. Ad primum: Notorium propriè dicitur, quod per evidentiam rei, qua nullà tergiversatione celiri potest, patet. Huic notoriis opponitur occultum, tam propriè tale, nimurum quod non solum soli DEO scrutatori cordium cognitum est, sed & quod nulla ratione probari potest. *Jo-And. in c. vestra. de cohabit. cler. cum mulier. num. 12. Anchor, ibid. num. 14. Abb. n. 10.*

R. P. Lleur. Jur. can. Lib. V.

Fagn. n. 45. Quò referuntur etiam à Claro *pract. crim. §. fin. q. 9. n. 2.* Farin. *pr. crim. q. 18. n. 105.* Haunol. *def. & f. Tom. 6. tr. 2. n. 27.* apud Wiestn. b. t. n. 2. quorum probatio ex communiter contingentibus haberi non potest; quia per se clam & in occulto fieri solent, ut sunt dolus, furtum, adulterium, suppositio partis, Sodomia, Simonia &c. Item qua non proprie, sed pene occulta dicuntur. *c. vestra.* qualia sunt, qua in judicium nondum deducta à paucis sciuntur; & probari possunt: v. g. à duobus, tribus, vel ad summum quinque; cum secretum adhuc dicatur, quod in praesentia quinque personarum dicitur aut fit. *can. 87. de pat. dist. 1. §. bac ergo secreta. & Gl. ibid. v. secreta.* Porro notorium propriè tale confunditur cum publico in supremo gradu tali, differt tamen à publico in secundo gradu, quod convenit cum notorio penè, seu quasi tali, multoque magis à publico in imo gradu, utpote quod saltem à duobus scitur, & sic adhuc probari potest. Differt à manifesto, (etsi hoc subinde cum notorio confundatur. Arg. *c. constitutionem. de V. S. & c. fin. de cohabit. cler. cum mulier.*) quòd manifestum propriè tale illud sit quid minus quam notorium propriè tale, ut Abb. in *c. vestra n. 12.* Fagn. n. 55. & dicitur cum addito famosè notum, seu ex certa scientia, certisque authoribus, ut Abb. & Fagn. *LL. cit. Tulch. Lit. N. concil. 104.* à qua famositate abstrahit notorium.

2. **R**esp. Ad secundum: Notorium aliud est notorium notorietate iuris, nimurum, quod evadit tale per confessionem propriam (intellige, spontaneam, & non gravi metu aut tormentis extortam) factam in iudicio, non revocatam, vel per probations judiciales plenas, hoc est, testium omni exceptione majorum depositiones legitimè receptas;

A

vel

vel instrumentum publicum & authenticum in iudicio producūtum; vel per sententiam definitivam condemnatoriam ad pœnam, vel criminis declaratoriam, quæ transit in rem iudicatam, utpote quibus, quia jam in causa conclusum, nihil opponi potest; quin & per sententiam interlocutoriam, latam cum cognitione causæ, quæ in rem iudicatam transit; ut cum Abb. in c. *cum olim. de V. S.* à n. 3. Fagn. in c. *vestra.* à n. 71. Masc. *de prob.* concl. 106. à n. 9. quos citat Wiestn. b. t. n. 3. Ad quam notorietatem juris reducitur notorietas præsumptionis fundata in circumstantiis, ex quibus ius ita aliquid præsumit, ut id haberi velit pro veritate, & ex ea perinde, ut ex alia probatione plena ad sententiam procedi possit. Aliud est notorium notorietate facti, quod gestum palam in oculis hominum, puta, coram maiore parte populi, viciniæ, parochiæ, collegii alterius communitatibus, ita tamen, ut non requiratur, gestum esse coram totius populi existentis in aliquo loco, puta, civitatis maiore parte; sed major pars intelligatur respectu viciniæ, parochiæ, collegii, communitatibus; ut Sanch. L. 6. *confil. mor.* c. 3. du. 3. Abb. in cit. c. *vestra.* n. 16. Reiffenst. b. t. n. 251. Quin nec requiri semper maiorem partem communitatibus, si haec valde ampla, ut tenere videtur Sanch. l.c. contrarium tenentibus Abb. l.c. Fagn. l.c. n. 88. quos citat Reiffenst. n. 250. dicens ridiculum esse, dicere, non sufficere ad constituendum notorium, quod gestum coram centum, dum communitas constat 300. hominibus. Num vero requiratur totius communitatibus presentia, dum haec exigua est: v. g. constat decem; an vero sufficiat maior ejus pars; v. g. sex præsentes, non est extra controversiam; posterius sentiunt Abb. l.c. Sylv. v. *notorium.* q. 4. Navar. c. 27. n. 55. quos citat & sequitur Reiffenst. n. 249. ex ea ratione, quod decem constituant populum. Arg. c. *unio.* 10. q. 3. & quod per maiorem partem populi totus populus designetur. L. aliud. ff. *de reg. jur.* & consequenter, quod coram maiore parte talis communitatibus sit, censeatur fieri coram omnibus. Idem sentire videtur Pirk. *ad in. de excom.* n. 114. dum inquit: Si percussio fiat coram tot oculatis testibus, ut vel toti communitatibus, quæ saltem decem personas habet, vel maiore ejus parte, saltem coram sex, nota sit; & mox subdit: quare etiam Petrus percutiat Clericum coram tribus aut quatuor, (intellige, personis talis communitatibus constantis decem) ut in iudicio probari possit, non tamen propterea censetur notorium evidentiâ facti. Porro notorium facti aliud est facti permanentis, quod constanter omnium oculis exhibetur; v. g. incarceratio Clerici, qui in carcere publico omnium oculis patente continuo detinetur. Aliud facti transiunt, seu momentanei, quod in conspectu totius vel majoris partis populi commissum; v. g. homicidium in foro, blasphemia coram pluribus audientibus prolata; quæ, si sèpius coram iis iterata, dicitur notoria notorietate facti interpolati: ita Sylv. l.c. n. 2. Abb. l.c. n. 15. Fagn. l.c. à n. 78.

Quæst. 3. Quæ requirantur, ut Index non servato juris, seu processus judicialis ordine contra crimina notoria procedat.

1. **R**esp. Requiritur primò, ut factum notorium sit non tantum quod ad substantiam, seu existentiam, sed etiam in ratione delicti; v. g. ut constet, num homicidium factum ex dolo vel cul-

pa, cum fieri potuerit ad sui defensionem, servato moderamine inculpata Intelæ; quia, si de hoc non constaret, posset adhuc excusatione vel tergiversatione celari; ita Clar. *præl. crim.* §. fin. q. 9. n. 3. Farin. *pr. crim.* q. 21. num. 49. Haun. l.c. n. 30. Passer. *tribun. regul.* q. 10. n. 5. apud Wiestn. n. 6. iis inhærentem juxta c. tria nos. de cobab. cler. *cum mul.*

2. Secundo, ut de ipsa notorietate Judici constet, quod fieri potest duobus modis; uno, si dictum commissum in præsentia Judicis pro tribunali sedentis, aut aliis in exercitio jurisdictionis existentis, præsente & intuente maiore parte populi; ut Specul. tit. *de notor. crim.* §. 8. n. 12. Salyct. in L. ea quidem. c. *de accusat.* n. 41. Gometz. L. 3. var. c. 1. n. 48. Passer. l.c. n. 6. Altero (dum sermo est de notorietate facti) si testes, saltem duo omni exceptione maiores, jurati, & parte citata judicialiter examinati de delicti existentia, & si in notorietate ex proprio sensu deponant; Wiestn. num. 7. citatis Specul. l.c. n. 17. Masc. l.c. concl. 105. Fagn. n. 105. vel, si sermo sit de notorietae juris, per authenticum extraictum, aut attestationem judiciale. His itaque competit, Judex ad judicarii ordinis observantiam non constringitur, juxta clarostextus c. *ad nostram. de jurejur.* c. super eo. *de test. cog. can. prohibent.* §. his omnibus. 2. q. 1. can. *Lorbarius.* ead. *cans.* §. q. ex ea ratione, quod ordo ille juris introductus ad veritatem indagandam & deprehendendam; adeoque dum ea notoria est, observatio illius non sit necessaria.

3. Tertiò requiritur, ut constito Judici de notorietate, is quoque de ea pronunciet, non quidem seorsim, sed in ipsa sententia, in qua, si illius mentionem non faciat, ea tortuque processus sit nullus; Barbos. *de potest. Episc. alleg.* 106. n. 18. Tambur. *de iure Abb.* Tom. 3. d. 7. q. 2. n. 19. Reiffenst. b. t. num. 264.

Quæst. 4. In quibus itaque in specie iuris ordine non servato Index procedere posse ad dicta crimina notoria punienda.

1. **R**esp. Primo, ut opus non sit accusatore aut denunciatore, juxta c. *evidentia.* b. t. & c. *manifesta.* 2. q. 1. sed Judex possit sine accusatore ex officio procedere ad ferendam contra notorium delinquentem sententiam.

2. Secundò, ut multò mindis opus sit libello; Gomez. l.c. n. 42. Farin. l.c. n. 65. Scaccia *de judic.* c. 79. num. 8. Wiestn. b. t. n. 9. Arg. *clem. sepe.* 2. v. *boc autem. de V. S.* dum ibi dicitur, quod libellus ad summarium processum non requiratur, & consequenter multò mindis ad procedendum contra crimina notoria, quippe quæ, ne quidem summarium ordinem iudicij requirunt.

3. Tertiò, ut neque opus sit citatione, saltem ubi delictum ita notorium est, ut nulla egeat probatio notorietatis, constatque evidenter, reo nullam excusationem, defensionemve, quâ delicti gravitas aliquo modo extenuetur, competere; Haunol. l.c. n. 33. Passer. l.c. n. 11. Wiestn. n. 10.

4. Quartò, ut non requiratur producō, & examen tertium ad probandum crimen, ut patet ex terminis, cum constito evidenter aliunde de veritate, ii frusta producantur; quamvis constito de veritate criminis, quia quandoque non satis adhuc constat de notorietate, ad eam probandam, adhibendi sunt testes, Reiffenst. b. t. n. 256.

s. Quinto,